

幼幼集成

五

鼎鍊幼集 成卷之五

羅浮

陳復正飛霞氏

刪潤

隧陽周宗顧虛中氏

參定

廬陵

劉勤采孟氏

校正

萬氏瘴麻

○天元賦

痘本胎毒俗曰天瘡傳染中於外感輕重過於內傷初起太陽主水尅乎丙火次歸陽明血水化為膿漿所喜者紅活鮮潤可畏者黑陷焦黃勢若燃眉變如反掌皮膚臭爛血氣虛寒若救焚兮徒薪如何焦頭似杯溺落井不及寬裳原乎一元肇化二索成祥慾火動而妄作胎毒熾而流殃啼聲驟發機毒深藏命門養火胞戶收鎗待四時之疲癘動五臟之皮囊榮氣逆於腠理惡血發於膀胱二火相煽四大成瘡毒之輕

者發則微貴乎調養毒之重者發則蜜急於隄防至於運氣推遷在於
時令乖異無非寒熱溫涼苟陰陽之逆理爲氣候之反常五
行鬱而災見九曜並而變彰癘氣流行無論郡邑鄉黨惡毒傳染豈分
黎庶侯王此則不刑於診頁則能制且九先事解散兮十全八九臨時
區處兮匪尋常

大抵氣運先歲痘疹屬陽春夏爲順兮樂其生長秋冬爲逆兮惡其收藏
暴寒兮恐邪毒之鬱遏暴熱兮慮腠理之開張膿疱春而不瘳黑陷夏
以爲殃秋斑實惡冬疹非祥此逆四時之令休誇三世之良且如證候
殊形臟腑異狀肝主淚而米泡肺主涕而膿漿心斑紅豔脾疹赤黃惟
腎經之無證惟變黑而可妨所以觀乎外候因而辨其內臟阿欠煩悶
兮肝木之因咳嗽噴嚏兮肺金之相干是冷而昏睡兮脾土因於中央

而目赤而驚悸分心火炎於膈上耳慨屬腎溫煖如常二處燥熱分下
極火炎而必驚四肢厥冷今中州上敗而傾亡

先分部位次察災祥陽明布於面中太陽行於頭上心肺居胸膈之要肝
膽主脇腋之旁手足司於脾胃腰背純於膀胱泄瀉者邪甚於下嘔吐
者邪其於上氣逆而腹痛隱隱毒深而腰痛皇皇心熱甚而搖擗青邪
實而顛狂鼻燥咽乾肺受火邪而液竭尿澀溺澀腎由火旺而精亡氣
弱減食者不任其毒神強能食者不失其常

欲決重輕但觀發熱如古順逆須認其瘡毒甚分身如炎火熱微分體或
清涼若寒熱之來往定徵兆之佳祥數番施出分春回陽谷一齊湧出
分火烈崑岡蛟跡蚤斑刻期而爲鬼錄蛇皮蠶殼引日而還泉鄉不喜
珠紅更嫌灰白最宜蒼峭切忌紫黃常要明潤分恐薄嫩之易破不能

乾枯兮防搔癢之難當惡候如此上工希神而煩稀而磊落清安可保
胸膈密而連串凶吉難量頂要尖圓不宜平陷漿宜飽滿切忌虛空兼
之顏色喜老而惡嫩皮膚愛糙而怕光穢起根窠終防瘡瘍月浮皮肉
必主天殤頭面預腫兮三陽亢甚手足厥冷兮五臟摧傷瘡堆喉舌毒
纏頸項咽喉痛而呼吸則難飲食少而吞吐則噎此天命之安排豈人
力之可仗

煩燥悶亂兮七神離散譫語眩冒兮五毒猖狂鼓頤戢慄兮肺敗咬牙口
噤兮腎傷渴不任兮焦膈瀉不止兮滑腸失聲兮咽爛乳氣兮腹脹晝
夜搔爬兮將營衛或外脫乳食斷絕兮必胃氣之受戕腫怒消毒歸於
裏色反黑并起於瘡食穀則噎兮在嬰兒之命促飲火則噴兮較醫工
之短長○輕重反復調理乖張輕變重而可畏重變輕而莫慌風寒素

慎飲食如常出入禁乎男女蓋覆適其溫涼內無妄動治不垂方此則
變輕之候實爲保命之良若當犯乎禁忌或誤投乎丸湯徒肆房室不
順陰陽外感不正之氣內傷不時之糧平人且病患者敢當是以順則
逆而逆則險宜乎輕變重而重則亡

發自肺經相連脾臟氣熱味辛燥金受尅刑寒飲冷華蓋先傷恣飲則水
來侮土而成泄痢過食則脾不運化而作痞脹皮毛虧損肌肉虛疳起
發遲而不胖壯收壓緩而作膿瘡輕則延綿乎時日重則泣送於郊
奈愚夫不知曉致生命之天亡不信醫而禱諸神鬼枉殺牲而號乎蒼
藥貴中病醫不執方喜行溫補者動稱乎文山專用涼瀉者祖述乎仲陽
貴其因人而治相時而行正氣爲先戒開門延寇解毒爲急休視虎執
狼首尾不可汗下法之固執緩急各有權宜治之經常拘其繩墨者如

守株之待兕惑於方書者似多岐以亡羊○且如紅掀紫腫兮涼血爲
上灰白平陷兮補氣最良出不快兮責表實而發散可用便或秘兮責
裏實而疏利何妨毒不能速解毒甚者令微汗之散越熱不可盡除熱
劇者使小便之清長三陰多寒兮必投辛熱三陽多熱兮無過苦涼安
可惡寒而喜熱莫如貴陰而賤陽○是故補氣者參耆白朮養血者歸
芍地黃發散表邪輕葛根而重官桂疎通裏實微枳殼甚大黃而解毒
兮芩連梔子快斑兮荆防牛蒡連翹藥內之要領甘草方中之君相咽
痛求諸甘桔頭腫取乎羌防木通利其小水人尿攻其黑瘡氣逆兮青
皮陳胃寒兮丁香木香泄瀉無如芤朮嘔吐莫若生薑麥冬乾葛而止
渴厚樸腹皮而消脹望月砂退翳有準穿山甲折毒無雙枳殼麥芽山
楂子消宿食而尅化大黃乾葛地骨皮解餘熱以清涼咳嗽以枳桔

又用杏仁痢疾以黃連再同木香苦參主乎熱毒濁白治其疳瘡用之
合宜工可稱良○其諸藥物各有主張春夏桂枝而少服秋冬苓連而
莫嘗瘡若乾枯白朮非其所貴色如紅豔黃著豈可入方裏虛少食者
勿投枳實表虛多毒者休使生薑汗自出兮用乾葛重虛其表溺本數
兮加木通再損其陽泄瀉酸臭兮柯寇不宜輕用嘔吐清冷兮連梔安
得作湯凡用苓連必資炒製如加丁桂須假寒涼應制伏而不誅無過
保和平而萬壽無疆

人勢若平餘邪須講熱毒流肝兮雙睛生翳火邪入脾兮四肢成瘍口內
生瘡兮爛齦破舌腹中作痢兮腐胃敗腸皮膚嫩而洗浴太早因以添
熱臟腑虛而甘肥太過遂致內傷若中風寒凝痰作嗽而洗擗搗灌蝕
歸瘡

嗟夫惟此證候其苦非常外纏皮肉內連腑臟改換形容如蛇退皮龍蛻
骨淋瀝膿血若蚓在灰蟠在湯軒岐置而未言秦漢棄而無方古無此
證或云起於建武今有是疾相傳得於南陽拘於日數者不知輕重之
責執其偏見者在增虛實之防本溫再熱已寒又涼徒自膠而必固反
致惡而見殃透骨髓之真詮非其人而不授宜肺腑之秘奧牢記誦而
莫忘

○痘疹西江月 凡四十九首

痘疹毒從何起母胎火毒流傳生來穢物下喉咽藏在命門裏面一旦天
行時氣感令相火熬煎毒從骨髓見皮間彼此一般傳染

五臟各有形證認時須要分明往來寒熱睡脾經阿欠頓悶一證咳嗽噴
嚏受肺面紅驚悸屬心惟腎清靜忌邪侵手足耳尻俱冷

五臟各有一證其間治法難同肝爲水洩肺爲膿大小瘡形異種脾證發爲疹子心經現作斑紅腎爲黑陷病多凶縱有靈丹何用

痘疹要知順逆天時人事相隨大端陽火是根基若遇陰寒不喜春夏發而多吉秋冬逆以何疑如逢稠密必凶危稀少方爲平易

治法而今不定清涼溫補分明各持一見論紛紜自目下爲神聖解毒喜行涼瀉補中愛使辛溫不明時令與元神枉自捕風捉影

假令天時暄熱辛溫助爲災殃嚴凝涼解雪加霜病者何如抵擋壯者再行溫補虛庭又使寒涼虛虛實實伐元陽無異隔靴爬癢

看取時行疫癘天時熱氣炎炎精神肥健食能兼解毒清涼甚便若是風寒火甚虛蟲吐瀉連綿此宜溫補法爲先又在醫人活變

痘疹要知輕重吉凶順逆精通毒輕瘡少順家風湯藥不宜妄用瘡密毒

重爲逆皮膚寸寸成膿此般形證例多凶仔細扶持休縱
輕者三四次出頭面胸背稀疏小便清利大便稠飲食如常充足重者遍
身齊出狀如麻子麥麩咽疼泄瀉悶悠悠飲食不思可惡

多有先輕後重只因觸冒風寒房勞不避穢腥于食飲偏於令暖閒雜人
帶穢厭諸般禽獸盤桓庸工衒淺誤湯丸反使痘疹變換

重者變輕何以常常和暖衣衾房中謹密少人行飲食隨時添進未見誤
投湯藥不曾妄啖酸腥此爲人事奪天靈安可歸於有命

要識痘瘡死證無過五證分明紫黑喘渴悶何寧癢塌咬牙寒噤灰白頂
陷腹脹皮嫩易破成坑泄瀉氣促見鬼神聲啞頭面足冷

既識五般死證其間吉病如何瘡頭飽滿作膿窠仔是推磨不破四畔根
盤紅活安眠靜臥平和光狀收靨不蹉跎管取疥疾勿藥

黑陷乾枯腎敗咬牙寒戰肝傷失聲喘氣肺摧創泄瀉脾虛腹脹瘡場悶
亂心死狂言見鬼神亡皮嫩易破氣無陽便血陰崩模樣

首尾不可汗下汗時腠理開張風寒易入透斑瘡收靨不齊火旺悞下必
犯脾胃無事自取內傷泄瀉黑陷致傾亡在使魂靈飄蕩

大抵痘瘡未出先須升葛參蘓如斯不出汗忙疏紅點見時藥住大便若
還秘結輕輕四順相符假饒自利伐無辜定與閻羅掌簿

調痘無過二法補中解毒兼行補中參朮草著蒼枳實山查有應解毒苓
連梔燧連翹枳實防荊芍歸養血妙如神加減消詳前定

血氣要分虛實但於瘡色推來紫腫紅掀血實由四物內加解毒灰白中
陷氣弱四君子是良謨略加解毒藥相符補氣實脾無誤

但是痘瘡初出如逢熱盛昏醒解毒散藥先行莫待臨渴掘井枯根升

麻乾葛連翹甘草黃芩牛勞梔子木通荆蠟蛻防風作引

若是如常潮熱只消乾葛升麻芩連甘草赤芍加牛勞連翹無價或用參蘇飲子青皮木香肉加煎來一服勝靈砂痘見表疎纔罷

初熱多生搐搦急將導赤疎通木通甘草與防風生地黃連同用再着辰砂調服須臾救護朦朧此方端的有神功管取行之必中

壯熱不會出現大便秘結難通頭狂唇裂眼珠紅此證凶危堪慟急與芩連梔槩大黃酒炒疎中連翹牛勞與木通貫衆射干俱用

自此出而稠秘認他虛實調醫虛家泄瀉色如灰大補十全堪取若是腫掀紅綻芩連梔槩芎歸翹芩丹葛桔甘奇此個真機妙秘

灰白不能起發又加泄瀉頻頻溫中妙藥不宜停急急扶危濟困當歸黃芩芍藥甘草乾薑人參木香梔子及青陳官桂丁香靈應

毒甚常生咽痛可憐飲食難嘗射干甘桔最相當連翹升麻牛蒡若是痘堆頭項此名鎖腦悽惶一朝破爛合將亡變作暗啞水陰

起發狀如蠶殼乾枯不見水漿此名血竭毒歸臧不治必然命喪當歸地黃養血參耆甘草溫良連翹牛蒡與木杏桔梗青皮發旺

起發當將撚視切防黑陷來攻若然黑陷現其中藥點許多妙用碗豆七粒燒過亂髮火煨和同珍珠水浸胭脂紅針破搽之自腫

藥點反加黑陷喪門吊客忽忽百祥牛李與宣風總是脫空賣弄不如人貓鷄犬四般舉燬和同木香湯引妙無窮妙法半文不用

起發初生搔癢比於癢場爭差傷寒身癢表留邪痘亦同茲休訝治用疎風涼血荆防翹芎芎麻地黃歸葛效堪誇竹葉木通無價

天抵痘宜脹痛最嫌虛癢相干只因飲食淫邪攢心火尅而悶亂外宜苗

陳艾炷內宜參朮湯丸若還癢止證方安抓破面皮凶斷

何爲正面怕癢面舍五臟精華假如破損實堪嗟氣散魂飛魄罷尤忌先傷正額心經火帶虛邪幾番試驗不爭差寄語明人體察

相火位敘正額出現肝壯休先果然額上痘蟬聯大抵因而不遠喜是兩頤口鼻始終都在其間任教稠密勢纏綿到底終無傾險

起發成漿欲靨忽然泄瀉來攻此時脾胃不宜空變出百端可慟多是內傷飲食只求藥有神功若還清腫泄淋膿父母北印泣送

先用人參白朮黃耆炙草煨薑茯苓山約及木香大劑煎來溫養不效次求荳蔻木香炙實良方這番只有異功將救實盡頭酌量

記取成漿靨欲最防厭穢腥羶大黃蒼朮共燒爛可解一切穢厭內服調元飲子黃耆炙草人參宮歸蒼朮酒苓連犯着荆防卽變

到得成漿痘熟飯時都要成痂若還嚙爛吳腥加此是表虛堪訝急進參
耆歸朮荆防蒼葛升麻連翹牛蒡留家花休得弄真成假

若是痘疹熟爛皮破膿血淋漓內服歸朮與黃芩牛蒡連翹官桂外用多
年敗草晒乾研細成灰鋪開床席合施爲最解火邪毒氣

痘熟不能收效反行破爛成瘡一時無痛甚難當請問如何發放但取甘
草滑石辰州豆粉清涼密調塗上便安康此法不留書上

有等痘瘡純正緣何日久難收請君仔細問根由不可臨時差謬或是會
傷冷水或因秘結熱留兩般治法各推求不枉青囊異授

果是會傷冷水涇傷脾胃皆虛脾應肌肉主中區無怪血膿流注可用參
耆蒼白青陳甘桔無拘丁香官桂有方書救裏收表妙處

知是大便秘結主朝一切不通此爲熱氣內蒸烘因此毒難開縱內服歸

黃麻子大黃略入相攻再行膽導妙無窮管取成痂去壅

收後許多餘證醫家須要分明毒留肝臟目生疔翳障腫人隱隱毒入肺脾癰腫青歸手足陽明內傷外感要調停免致多生怪病

兩目忽然腫痛痘家毒入肝經輕爲浮翳掩瞳睛重則終身癢病去翳菊
花蟬蛻蒙花蒺藜殼精各爲細末共和勻湯煮猪肝作引

癰毒發於肢節常常膿血不乾不和調理早求安療終身爲患內服干
金托裏外塗方千金丹排膿長肉未爲難仁是千金不換

痘後不宜澡浴痘疤皮嫩易傷不知禁忌受寒涼通體熱生痛僵此因傷
寒勞復不宜官桂麻黃只須九味羌活湯次以補中調養

痘後或傷飲食致令腹痛非輕不宜轉下損脾經消導方爲對證白朮人
參枳實黃芩瞿麥青陳山查白朮與砂仁積化痛疼俱定